

# TURBULENT TIMES

## THE STATE OF BACKPACKING AND SEASONAL FARM WORK IN AUSTRALIA

PRELIMINARY REPORT  
JANUARY 2023

### EXECUTIVE SUMMARY

## OL RAF TAEM: SITUESEN BLONG BAKPAKING MO SISENOL FAM WOK LONG AUSTRALIA

### EKSEKUTIF SAMARI

Ol man we oli travel blong faenem wok (ol maigren) oli wan impoten pat blong agrikalja wokfos blong Australia. Olgeta oli provaedem wan bigfala ekonomik benefit long ol faming indastri, mo long semak taem oli givhan blong mekem se i gat ol gudfala sosol laef mo ol kaljarol aktiviti long ol reginol ples we oli stap long hem. I gat tufala mein visa grup blong ol pipol we oli go blong mekem sisenol fam wok – Working Holiday Maker (WHM) “bakpaka” program, mo niufala Pacific Australia Labour Mobility (PALM) we hem i wan skim blong ol wokman blong Pacific – skim ia i gro bigwan long ol las yia we pas. From ol pipol ia oli stap ‘sot taem’ nomo from visa stetes we oli gat, oli save stap long samfala manis, samtaem long samfala yia, long ol rejinol komuniti.

COVID-19 pandemik ia i bin soemaot ol spes taem Australia i dipen bigwan long ol maigren woka long saed blong agrikalja. Ol travel mo visa oli tekem taem, i gat ol helt kontrol, mo oli wari from ol vaeres aotbrek, mo long semak taem, namba blong ol wokman hem i no naf, mekem se i gat wan smol namba blong ol yia we i bin had mo raf. Hem ia i givim ol nogud impak long ol man we oli bin pat blong fasilitetem mo sapotem ol maigren fam woka. Taem we media mo ol nius oli stap kontiniu blong ripotem bigfala sotej blong namba blong ol wokman, ol frut oli stap roten long ol fil, mo ol fama oli stap kraeaot from help, lo semak taem tu ol gavman insentif blong karembak ol maigren woka long ol rijen oli gat smol jenis nomo i hapen. Mo tu i bin gat bigfala jenis long ol sosol mo kaljarol fasin long ol pipol we oli holem ol temporari visa we oli bin stap bihaen long Australia. Iven taem intenasenol boda blong Australia hem i open ful wan long Febueri 2022, travel blong ol maigren wokman we oli stap kambak i bin sloa bitim we yumi ekspektem, espeseli olgeta wetem ol WHM visa.

Ripot ia i givimaot ol mein tingting long saed long risej long fiuja blong ol sisenol fam woka long Australia. Fokas i bin stap long ol bakpaka mo ol Pacific Island wokman long ol hotikaljarol wok long Queensland, we ol andastanding mo ol infomesen we oli faenem oli bes long 44 interviu wetem ol stekholda long ol indastri, gavman, mo komuniti we oli konek daerek wetem fasilitesen mo sapot blong ol maigren fam woka. Dokta Kaya Barry blog Griffith University hem i bin lidim projek ia mo sapot blong fanding hem i kam long Australian Government tru+ long wan tri-yia Australian Research Council Early Career Researcher Award (projek namba DE220100394).

Ripot i soemaot trifala eria blong ol konsen mo ol jalens we ol stekholda we oli konek wetem ol maigren fam woka oli stap fesem:

- 1) Ol problem we oli hapen from ol boda oli klos long pandemik mo ol helt kontrol. Ol wok blong holemtaet mo stopem ol aotbrek, mekem kwarantini gohed blong wok, mo katem daon ol negetiv komuniti fasin we ol naraman oli gat long ol maigren long taem blong pandemik, oli soemoat ol lesen mo givim ol tingting blong tingbaot long ol fiuja disasta mo ol helt krases.

2) Oli no bin luksave rol blong ol akomodesen provaeda long eksperiens blong ol maigren fam woka. "Ol woking hostel" oli wan mein rod bitwin ol sisenol employa mo ol woka we oli save wok, mo oli bin gro long namba mo saes long semak taem wetem ol wok blong bildimap ol visa program. Ol infomesen we oli faenem long taem blong risej oli soemaot ol defren jalens long saed blong help blong impruvum ol evridei laef blong ol woka we oli stap liv long ol komunol akomodesen.

3) Ol kaljarol jenis we oli stap tekem ples long ol reginol komuniti from i gat wan swij long ol bakpaka go long ol Pacific Island woka. Ol infomesen we oli faenem long taem blong risej oli soemaot ejen nid blong Pacific-led infomesen mo ol sapot sevis, mo gudfala andastanding long ol defren kalja mo komunikesen blong ol woka wetem ol lokol komuniti.

Taem ripot ia I stap soemaot sam mein eria we fiuja risej i save investiget go moa long olgeta, hem i stap givim infomesen tu long ol defren jalens mo ol lukluk blong ol stekholda we yumi save yusum long fiuja planing mo ol polisi desisen long ol maigren fam woka.